



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memoræ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

continens Impedimenta Et Adjumenta Æternæ beatitudinis

**Dirckinck, Johann**

**Coloniae Agrippinae, 1713**

22. Medium IX. Meditatio seria ignis infernalis.

[urn:nbn:de:hbz:466:1-50716](https://nbn-resolving.org/urn:nbn:de:hbz:466:1-50716)

pro æternis tabernaculis curam geratis?  
 Utinam saperetis & intelligeretis hoc u-  
 tum, hoc summum, hoc maximum æter-  
 nitatis negotium! quàm libenter ei per-  
 pendendo indies aliquod tempus im-  
 penderetis? At nunc ad alia omnia nego-  
 tiola tempus suppetit; sed pro hoc gran-  
 di, uniceque necessario negotio tempus  
 non reperitis: *Operamini vestram salu-  
 tem cum metu & tremore*, clamat Apo-  
 stolus. Ad Philip. c. 2. Ergo seponite,  
 quandoque temporalia, & considerate  
 æterna, longè præstantiora: nam *Omnium  
 rerum præstantissimum est, quod æternum  
 est*. S. Aug. L. Quæst. q. 12.

## CONSIDERATIO XXII.

Medium IX. Æternæ Salutis.

Meditatio feria ignis infernalis.

*Quis poteris de vobis habitare, cum igne  
 devorante? Quis habitabit cum ardori-  
 bus sempiternis?* Isaïæ c. 33. 14.

3. Decembris.

**Q**uemadmodum in publico reo-  
 rum supplicio, eisdem educens

L 3

Con-

244 *Domus eternitatis. Consideratio*  
Concionator, proposito supplicio, populum præsentem adhortatur, ut scelera caveat; ne in similem pœnam incidat. Ita quoque Isaias Propheta, statuit ob oculos Assyriorum, peste, seu, ut Judæi tradunt, occulto igne ad 185. millia subditorum, supplicium. c. 33. v. 12. *Et erunt populi, quasi de incendio cinis, id est Assyrii, quasi spinæ collectæ, comburentur & in cineres convertentur.* Atque hoc strage Propheta monet impios: tanquam si diceret: Spectastis ignem temporalem, quasi momento Assyrios enecantem: vobis hæc hoc spectaculo sapite: quod enim contigit Assyriis, hoc, imò longè gravius continget, post mortem, omnibus impiis: in illos enim iræ divinæ ignis, non terrenus, sed infernalis; non temporalis sed æternus delæviet; ut semper in æternis gehennæ incendiis sint volutandi nec tamen in cineres redigendi, velut Assyrii, sed vivi semper sint mansuri arsurique. Ita S. Hieronymus. *Quis poterit habitare de vobis cum igne devorante?*

II. Sicut Isaias hunc ignem Hebræi proposuit ad cautelam; ita quoque

bis proponit ignem infernalem devo-  
 rantem, tanquam medium efficacissi-  
 mum, ad ipsummet hunc ignem devo-  
 randum & extinguendum: Nimirum ex-  
 tinguitur ignibus ignis; ut in fulmine, in  
 ignem cadente, cernimus. Atque ita quasi  
 veneno theriacam, pro antidoto, con-  
 ficimus. Si igitur Mundus te oppugnet,  
 si Caro insurgat, si Dæmon irruat, si ira  
 inflammet, si invidia vexet, si acedia gra-  
 vet, si gula irriter, aut quævis alia tenta-  
 tio te infestet, atque ad flagitium alliciat;  
 ecce clypeum, quem opponas; ecce fræ-  
 num, quo coërceas; ecce amuletum &  
 alexipharmacum potentissimum, quo  
 vim elidas, scilicet viva fides, viva memo-  
 ria, consideratio, & meditatio ignis tarta-  
 rei: *Quis poterit habitare de vobis cum ig-  
 ne devorante? l.c.*

III. Atque ut hoc amuletum agat ef-  
 ficaciùs, singula Prophetæ verba expen-  
 de, per modum meditationis. I. *Quis  
 poterit? Quis sive virorum, sive fœmina-  
 rum, quis sive juvenum, sive senum; quis  
 mortalium omnium tam est robustarum  
 virium? Quis carnem habeat adeò indu-  
 ratam,*

246 *Domus aternitatis. Consideratio*  
ratam, ferream aut aeneam; ut possit ha-  
bitare & perdurare in igne devorante?  
Potuit Mutius Scævola, dexteram im-  
motam tenere in flamma, ex ostentatione  
& vana gloria, ut refert Curtius L. 2. His-  
tor. Potuit Eremiticola, in vitis PP. L. 1.  
n. 37. flammæ lucernæ suæ immittere  
digitum unum; mox & alterum, & re-  
quos, invictâ patientiâ sustinere in igne  
donec penitus diffluerent & absumeren-  
tur, ad frangendam carnis concupi-  
scitiam. Sed hi brevi tempore. At quis  
poterit permanere, & habitare cum devorante,  
totâ æternitate?

*Monitum.*

**A** H! scio! nemo id poterit; & rari-  
us debet, quisquis in flagitiis vici-  
eegerit, diem que suum obierit. O quæ  
id durum accidet? Quàm intolerabile  
Cogitate, si inferni cavea nihil esset aliud  
quàm hypocaufti vestri fornax succenturiæ  
in qua non in sæculorum sæcula, sed  
nisi duntaxat anni mora jacendum  
ardendum foret, mox atque peccatum  
lethale esset commissum: Quis obsecra-

ram demens foret, ut peccato consentiret? Et tamen non unius anni, sed æternitatis totius incendium certo certius peccatores manet. *Tunc edax flamma comburet, quos nunc carnalis delectatio polluit: tunc infinitum patens barathrum inferni devorat, quos inanis elatio nunc exultat.* S. Gregor. L. 9. moral. c. 39.

## 4. Decembris.

**P**ERpende reliqua Prophetæ verba; quorum singula suam habent emphaſin. *Quis poterit de vobis? De vobis, inquam, delicatulis, tenellis, cuticula vestrâ amatoribus, qui nil nisi balsamum oletis & moschum, nil nisi delicias & voluptates spiratis, qui minima incommoda, labores ac dolores, velut pestem detestamini; qui nec pulicis morsum, nec scintillulam fortè in manum incidentem, absque ejulatu sufferre valetis.* *Quis de vobis poterit habitare cum igne devorante? Dico habitare, non subsultim transilire, non celeriter percurrere, non unâ horâ, uno die, mense, anno in eo territorium erigere, aut hospitium tenere; sed*

L 5

stabi-

248 *Domus aternitatis. Consideratio*  
stabiliter habitare, & non tantum centum  
annorum millibus, aut mille lustrorum  
millionibus, sed sæculis & sæculorum  
millionibus infinitis, in igne devorante  
domicilium figere & perennare?

II. Quis poterit habitare in & cum  
igne? Quid gravius quid efficacius igne  
ignis teste Curtio scriptore Romano  
6. c. 12. *Suppliciorum ultimum*: Ut  
enim effera Tyrannorum vis atque im-  
manitas, in supplicia præcepserit, ab-  
catastas, equuleos, rotas & ferrum ex-  
divit; tum ad ignem ventum est, quia non  
habet, quò ulterius procedat: nimirum  
*Ignis suppliciorum ultimum*: nec præter  
tyrannis, nec moderna acerbiores cruci-  
tus invenit, quàm flammis tradere, lentè  
exurere, & assare. Cogita igitur, quid sit  
*habitare cum igne*, tanto supplicio.

III. Sed ah! quali *cum igne*? Cum ig-  
ne, cujus comparatione & fornax Baby-  
lonica, & trojanum incendium, & Sode-  
mæa conflagratio & omnis Mundi ho-  
jus ignis, non nisi ludus est & jocus: Cum  
igne, cujus flamma quos devorat, illos à so-  
litione veri luminis cecat: ut foris eos debet  
com-

combustionis cruciet, & intus pœna cecitas  
 obscuret: ut qui corpore & corde deli-  
 querunt; corpore & corde puniantur. S.  
 Aug. de vera relig. c. 51. Cum igne, quem  
 nec omnes omnium hominum lacrymæ,  
 nec omnium fluminum, lacuum, fon-  
 tium aquæ; nec omnes abyssi & maria  
 possunt unquam lenire aut sopire. Cum  
 igne, cujus omnes homines, omnes Dæ-  
 mones, omnes Angeli, junctis licet viri-  
 bus ne vel unam possunt scintillam ex-  
 tinguere: Quia flatus Domini, sicut tor-  
 tens sulphuris succendit eum. Isaia c.  
 30. Et cum igne hoc, quis poterit æter-  
 num habitare?

*Alexipharmacum.*

**O** Peccator lascive! O cœno volup-  
 tatum immerse Amasie; vel Ama-  
 sia! vis ignem impurum extinguere? li-  
 benter, inquis, modò efficax daretur an-  
 tidotum. Audi Doctorem mellifluum  
 serm. 67. de modo bene vivendi, illud  
 suggerentem: Memoria, inquit, ardoris  
 gehenne, extinguat in te ardorem luxuria.  
 Ecce ignis infernalis, medium est, quo  
 K 6 nihil



250 *Domus eternitatis. Consideratio*  
nihil ad incendium tuum restinguen-  
dum efficacius. *Ignis compescitur igne* qui  
si actum agat, de salute tua conclama-  
tum est. Quia quod medicina corpora-  
lis non sanat, sanat ferrum; quod fer-  
rum non sanat, sanat ignis; quod ignis  
non sanat, est insanabile. Idem applica-  
tur morbis animæ: quod ignis gehennæ non  
sanat, est incurabile.

5. Decembris,

**I.** Denique considera, quid sit habitare  
cum igne devorante & cum ardentibus  
sempiternis. Nescio explicare. Dicunt  
damnati, qui in eis versantur, eorumque  
vim experiuntur; Dic ergo o Iuda! dic o  
Caipha! o Herodes! o Pharisei! o Cæsar!  
Quis est ignis ille devorans, & quid est  
habitare in igne devorante? Est permanere  
in igne latissimè grassante & terribiliter  
urente & omnia absumente. Cum igne qui  
devoravit, devorat, ac devorabit tot mil-  
liones virorum & foeminarum; tot mil-  
liones juvenum & puellarum; tot mil-  
liones superbiorum, glorioforum, luxuriosorum,  
avarorum, invidiosorum,

tum, iracundorum & acediosorum, in  
 criminibus suis lethalibus decedentium.

II. Hos omnes infernus igne suo in-  
 dit, devorat, seu potius ore aperto ac sem-  
 per hiante vocat, non devorat, absorbet,  
 non decoquit; quia semper vivos reser-  
 vat: si id non capias audi S. Augustinum  
 L. 21. de Civ. c. 4. id declarantem: *Si Sa-  
 lamandra in ignibus vivit, & notissimi Si-  
 cilia montes, tota diuturnitate temporis,  
 atque vetustate, usque nunc & deinceps  
 flammis estuant, atque integri perseverant;  
 satis idonei testes sunt, non omne, quod ar-  
 det, absorbi: & anima indicat, non omne  
 quod dolere potest, posse etiam mori. His do-  
 cemur, qua ratione, hominum sempiter-  
 no supplicio punitorum corpora, & in igne  
 animam non amittant, & sine detrimento  
 ardeant, & sine interitu doleant.*

III. Vorat igitur ignis iste, non devo-  
 rat, ingerit non digerit, absorbit, non  
 consumit. *Dilatavit Infernus animam  
 suam & aperuit os suum absque ullo ter-  
 mino, Itaiæ c. 5. 14. Consumit tamen ac  
 devorat omnes divitum opes, omnes  
 corporis voluptates, omnes potentum*

252 *Domus aternitatis. Consideratio*  
vires, & honores, omnes Regum purpu-  
ras, scepra & coronas. Depascit omnia  
Damnatorum corpora, membra, viscera,  
præcordia, intestina & ossa; eaque instat  
ferri candentis penetrat, totumque cor-  
pus ita succendit; ut ex oculis, auribus,  
naribus ac poris omnibus exhaletur; et  
que inter respirandum, loco aëris, ignis  
attrahatur & emittatur. *O quis poterit*  
*de vobis habitare cum hoc igne devorante*  
*& cum ardoribus sempiternis? Devorantibus*  
*ac deglutientibus, non decoquentibus,*  
*ita ut inter flammarum crepitan-*  
*tium globos, nec pilus intereat tota æ-*  
*ternitate? O ignis insatiabilis! O flamma*  
*inextinguibilis!*

*Amuletum.*

**O** Mundi, Venerisque mancipium  
Dum te titillat ambitio, luxuria, ge-  
la; dic tibi: *Quis poterit habitare cum*  
*igne devorante? ac deinde concludes non*  
*sum tam demens, ut guttâ vel momento*  
*fœdæ voluptatis, emam æternitatem de-*  
*lorum, pœnarum, & seræ, heu nisi*  
*pœnitentiæ quia non sunt condigna vo-*

Decembris 5.

253

aptates, deliciae, ac veneres hujus temporis, ad futuram poenam, quae revelabitur in Damnatis. Hoc igitur sit tibi in omnitentatione amuletum & frenum; sed si nec hoc te contineat, candelae ardentis flammæ, digitum paulisper insere, aut carbonem ignitum parumper manutene, aut fornacem ardentem vel digiti extremo continge, & experire, num vel medio quadrante, æstum ardoremque illum tolerare valeas. Si id nequeas; cogita, quomodo habitare poteris cum igne devorante & ardoribus sempiternis? In quibus, ut ait S. Cyprianus serm. de Ascens. In proprio adipe, frixæ libidines bullient; & inter sartagine flammeas, miserabilia corpora cremabuntur.

### CONSIDERATIO XXIII.

Medium X. Æternæ Salutis.

Amuffis æternitatis.

Secundum mensuram regula, quâ mensus est vobis Deus. 2. Corinth. c. 10. 13.

6. Decembris.

Considera quemlibet Christianum debere sibi in hac vita extruere

Do-